

庶物類纂

鱗屬

自十至十二

庫文官政太			
和	特別	一二三六二	第五十四番函
書	門	類	號
冊	架	四六五	冊

內閣文庫			
番號	和	32362	
冊數	465(66)		
函號	特	54	1

容

五十七内

共五




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



Kodak, 2007 TM: Kodak







庶物類纂鱗屬卷之十目次

鮓魚

竹筴魚

火魚

竹麥

梭魚

鱗魚

彈塗魚

文鰩魚

鯪魚

鯪魚

一名敏魚

漳州府志

一名茅狂

兩航雜錄

俗名挨落

鮓魚

敏魚興化志曰其色蒼似鮓而瘦削張東沙謂之鮓

魚狀似鱸而肉粗漳州府志

敏魚形略似鱸口濶肉粗泉州府志

鮓魚狀似鱸而肉粗三腮曰鮓四腮曰茅鮓小名曰

鮓姑寧波府志

鮓魚屠本峻海錯疏鮓身類鱸石首口濶肉粗腦骨

脆而味美大者長丈許重百餘斤閩書

鮓魚亦時時有大者與鯊鮓二種有重百觔者海鹽縣圖

經

鮑魚狀似鱸而肉粗三腮曰鮑四腮曰茅鮑樂清志
所謂鮑魚是也一日茅狂明馮時可

陳藏器曰鮑生海中大如石首不腥作鱠如雪隋朝

吳都進鮑魚鱠取快日暴乾瓶盛臨時以布裹水浸
用與初鱠無異藏器所說出杜寶拾遺錄其說云隋
太業六年吳郡獻海鮑乾鱠其法五六月取大鮑四
五尺者鱗細而紫無細骨不腥取肉切晒極乾以新
瓶盛之泥封固用時以布裹水浸少頃去水則皎白

如新也珍按此乃海鮑即石首之大者有鱗不腥若
江河鮑魚則無鱗極腥矣陳氏蓋因鮑鮑二字相類
不加攷究遂致謬誤耳今正之本州網目

謹按海鮑與石首魚自別李時珍亦誤矣

竹筴魚

一名土鯉
寧波府志

俗名挨十

竹筴魚

竹筴魚近魴尾有硬鱗色青黑一名土鱧寧波府志

火魚

俗名革奈角施落

火魚

火魚頭巨尾小身圓通赤故以火名府寧波志

竹麥

俗名復ホ烏ヲ排ハ烏ヲ

竹麥

火魚又一種名竹麥頭身俱圓微紅而毒色形頗相
類或曰近魴尾有鯁鱗色青黑又名土鯁寧波府志

梭魚

俗名革^カ麻^マ思^ス

梭魚

梭魚似鰲魚稍大狀如織梭豐肉骨脆漳府志

鰾魚

一名針口魚

常熟縣志

一名針頭魚

江陰縣志

一名姜

公魚

本草綱目

一名銅

吮魚

同上

一名龍頭魚

通雅

名針嘴魚

正字通

俗名索搖立

鰕魚

鰕魚生江湖中大小形狀並同鱸殘但喙尖有一細黑骨如鐵為異耳東山經云沢水北注于湖中多鰕魚狀如鯪其喙如鍼即此本州綱目

鰕魚味甘平無毒益人食之不滌疫症多食發瘡疥

吳氏食物本州

鰕魚狀似鯪喙如針福州府志

錢串嘴小身長青色亦名青針上同

謹按鰕魚錢串似一物中分大小而名之

針白魚唇尖細如針多雜之鱸殘魚中味亦腴常熟縣志

鱸魚大小形狀並同銀魚但喙尖有一小黑骨如鍼

為異泰山經云其狀如鯢其喙如針閩書

臨海志曰鱸魚一名姜公魚形如鱸殘但有一細骨

如針此即龍頭魚也清桐山方以智通雅

鱸形似鱸殘喙尖一細黑骨如刺俗呼針嘴魚正字通

針白魚首戴針芒身長四五寸土人多取為鱸增補致富

奇書

針頭魚喙如針身細而長江陰縣志

針白魚口似針頭有紅點腹兩旁自頭至尾有白路如銀色身細尾岐長三四寸二月間出海中三才圖會

彈塗魚

一名泥猴魚福州志 一名跳魚同上 一名鮎魚漳州

府志 一名蘭胡寧波府志

俗名肩骨老法熱筑前州 又名秃皮法熱備前州
又名莫紫蛾鹿鳥肥前州

彈塗魚

泥猴魚大如拇指鬚鬣青斑生泥穴中夜則駢首朝

北海物異名記云登物捷若猴故名海錯疏名為彈

塗一名跳魚福州府志

鮓魚爾雅曰小者鮓是也生海邊泥塗中其大如指

善跳故名漳州府志

闌胡形如小鮓而短大者如人指長三五寸許潮退

數千百跳躑塗泥中土民施小鈎取之一名彈塗波寧

府志

跳魚生海邊泥塗中又一種曰泥猴鼓鬣登物捷若猴即跳魚而有足者興化府志

彈塗魚大如拇指鬚鬣青斑色生泥穴中夜則駢首朝北一名跳魚海物異名記捷登若猴又名泥猴矣

閩書

彈塗一名闌胡形似小鰕而短大者長三五寸潮退千百為群揚鬚跳擲海塗中作穴而居以其彈跳于

塗故云三才圖會

彈塗魚一名闌胡似小鰕而短大者如母指長三五

寸穴海塗潮退彈跳人見而取之故名明新安范泓

闌胡如小鰕而短大者如人指長三五寸頭有斑點

如星潮退數千百跳躑塗泥中土人施小鉤取之一

名彈塗以孟覆活者數百於地旦發視之皆駢首拱

北蓋亦朝斗之意玄修者忌食唐制賣鯉者賣蠶者

皆杖六十蓋鯉朝日蠶朝星食者皆有禍闌胡雖小

頭亦有星故土人皆戒勿食明馮時可

雨航雜錄

文鯨魚

一名飛魚
本草拾遺

俗名禿皮胡訛
山城州
又名換谷
筑前州

文鰩魚

文鰩魚無毒婦人臨月帶之令易產亦可臨時燒爲
黑末酒下一錢匕出南海大者長尺許有翅與尾齊
一名飛魚群飛水上海人候之當有大風吳都賦云
文鰩夜飛而觸網是也本艸拾遺

魚類纂
卷十

鰻魚

俗名異外施

魚類纂
卷十

鱗屬 鰻魚

一

魚部
鱈魚
卷十

鱈魚

鱈魚似馬鮫而小有鱗福州志

鱈魚長六七寸可作鮓又有溪鱈興化府志

鱈魚似馬鮫而小有鱗大者僅三四寸又有溪鱈閩書

魚部
鱈魚
卷十

鱈屬
鱈魚
二

庶物類纂
卷之十一

庶物類纂鱗屬卷之十一 目次

水母

石鏡

沙噀
附海參

海牛

魚虎

海馬

海燕

庶物類纂

卷之十一

鱗屬目次

水母

一名鮓魚博物志 一名海蜃興化府志 一名鮑閩書
名擣蒲魚同上 一名蜡同上 一名蛇同上 一名海鮐
農田餘話 一名海靱同上 一名折頭通雅 一名海舌潛確
居類 一名海噬典籍 一名江蜃正字 一名海
書 同上 一名蜃皮同上 一名海折藥性 一名借眼
公恩水族加

俗名骨落絮

水母

水母一名鮐魚寧波府志

海蜃博物志東海有物狀如凝血形圓數尺其名水母有足無目憑蝦而行李杲謂之王膾興化府志

水母海物異名記云有淡色者有白色者一名乍魚本州謂之蠟字亦作蛇八閩通志

鮐一名鮐一名水母皮切作縷名水母線本州謂縷蒲魚亦謂之蠟亦作蛇北戶錄謂蚱一名石鏡海區所結也色正白濛濛如沫又如凝血縱廣數尺有知

識無腹臟頭自所處隨東西不知避人偕蝦為目柳
子厚詩待目尚憐蝦是也腹下有物如懸絮群蝦附
啞其涎沫猶蛭蛭之與駝驢也書閩

東海有物狀如凝血從廣數尺方員名曰鮐魚無頭
目處所內無藏衆蝦附之隨其東西人煮食之晉張茂先

博物志

水母廣州謂之水母閩人謂之蛇切尹駕其形乃渾然
一物有淡紫色大者如覆帽小者如碗下有物如縣
絮俗謂之足而無口眼常數十蝦寄腹下啞食其涎

浮泛水上捕之者或過之則歎然而沒以其蝦有所

見越絕書曰海鏡蟹為腹水母蝦為目南中人好食

之云性溫能已冷熱之疾其理未詳唐劉恂嶺表錄異記

水母一名蚱一名石鏡南人治而食之云性熱偏療

河魚疾也唐段公路北戶錄

今之水母俗稱海鮐或作涉聲皆無義理按嶺表錄

異謂之蛇反痴駕疑其音近涉故記為此等字耳又云

廣州人謂之水母閩人謂之蛇其形乃渾然凝結一
物有淡紫色者有白色者大如覆帽小如碗腹下有

物如懸絮俗謂之有足而無口眼常如有數十蝦寄腹下啞食其涎浮泛水上捕者或遇着即歛然而沒乃是蝦有所見耳越絕書云海鏡蟹為目南中好食之云性暖治魚之疾然甚醒須以艸菜灰點生油再三洗之甚瑩淨如水精紫肉厚可二寸薄處亦寸餘先煮椒桂豆蔻或生薑縷切而漂之或以五辣肉醋如鱸而食之最宜蝦醋亦物類相攝耳水母本陰海凝結之物食而暖其理未詳長谷真逸農田餘詒謹按北戶錄水母性熱偏療河魚疾此云治魚之

疾似脫河字醒當作腥

余按韻學集成屑字內有浙音者載輶字註以為桑皮又曰輶水母也則此物為海輶其音為浙可證前說皆非況此物正似桑皮狀無疑也同上

鮑魚一名蜡一名樗蒲一名水母俗所謂海蜃也雨水多則是物盛其形如覆笠以蝦為目蝦動則沉土人食之皆以為去積其實損脾南人以為性暖能治

河魚疾

天池馮時可雨航雜錄

鮑水母目蝦之物今名折頭

清桐山方以智通雅

水母俗名海古濛濛如沫有知識無耳目不知避人常有蝦依隨之見人則驚此物亦隨之而沒廣韻言鮐即水母也以蝦為目故云目蝦潛確居類書

水母又名蛇鮓魚蒲樽魚色白濛濛如沫又如凝血有知識無腹臟無頭目以蝦為目隨其東西有二蝦附其下則汎水而飛大者如牀小者如斗俗名海唾明新安范泓典籍便覽

水母其大如席無頭目然亦能作聲水母不能動蝦或負之則所往如意俗呼海蜇三才圖會

江蜃即海蛆味鹹可生啖俗呼海蜃亦曰蜃皮以其似皮也正字通

蜡味鹹無毒主生氣及婦人勞損積血帶下小兒風疾丹毒湯火煤出以薑酢進之海人亦為常味一名水母一名樽蒲魚生東海如血鮓大者如床小者如斗無腹胄眼目以蝦為目蝦動蛇沈故曰水母目蝦如駝驢之與蜚蜚相假矣本艸拾遺

水母形渾然凝結其色紅紫無口眼腹下有物如懸絮群蝦附之啞其涎沫浮汎如飛為潮所擁則蝦去

而蛇不得歸人因割取之浸以石灰礬水去其血汁其色遂白其最厚者謂之蛇頭味更勝生熟皆可食

茄柴灰和鹽水淹之良

本州綱目

海折生東海形渾然凝結如血鮑色紅紫大者如球小者如斗無口眼腹下有物如懸絮羣蝦附之啞其旋沫浮沉如飛為潮所擁蝦去蛇不得歸人因割取浸以石灰礬水去血汁其色遂白俗稱白皮子其最厚者謂之蛇頭味更勝

清武林王子律藥性纂要

水母生海中四五月初生如帶至六月漸大如盤形

似白線絮而無耳目口鼻鱗骨二段赤色破碎者謂之頭蝦藏腹下蝦動則蛇沉肉如水晶以明礬醃之吳人呼為水母鮮久則漸薄如紙俗呼為白皮紙

明古

楊彭大翼張幼學山堂肆考

庶物類纂
卷十一
一

石鏡

一名蚱
北戸録

俗名覓慈骨落絜
丹後州
又名ト紫烏骨落絜
肥前州

庶物類纂
卷十一

鱗屬 石鏡 一

石鏡

水母一名蚌一名石鏡南人治而食之云性熱偏療

河魚疾也唐段公路北戶錄

鮑一名鮓一名水母皮切作縷名水母線本草謂樽

蒲魚亦謂之蜡亦作蛇北戶錄謂蚌一名石鏡海漚

所結也色正白濛濛如沫又如凝血縱廣數尺有知

識無腹臟頭目所處隨東西不知避人借蝦為目柳

子厚詩待目尚憐蝦是也腹下有物如懸紫羣蝦附

啞其涎沫猶蛭蛭之與駝驢也閩書

魚物類集

卷十一

沙噀

一名沙蒜
雨航
雜錄

俗名奈麻谷

魚物類集

卷十一

鱗屬 沙噀

一

庶物類纂

卷十一

沙喫

沙喫塊然一物如牛馬腸臟頭長五六寸無目無皮骨但能蠕動觸之則縮小如桃栗徐復擁腫土人以沙盆揉去其涎腥雜五辣煮之脆美為上味樂清名沙蒜馮時可雨航雜錄

沙喫塊然一物如牛馬腸臟頭長可五六寸許胖軟如水蟲無首無尾無目無皮骨但能蠕動觸之則縮小如桃栗徐復擁腫土人以沙盆揉去其涎腥雜五辣煮之脆美為上味寧波府志

庶物類纂

卷十一

鱗屬

沙喫

二

本草綱目
卷之十一

海參

海參

一名海男子

五雜組

一名海蛆

藥性纂要

俗名異利谷

本草綱目

卷之十一

鱗屬

海參

一

海參

海參生東南海中其形如蠶色黑身多疣瘤一種長五六寸者表裏俱潔味極鮮美功擅補益殺品中之最珍貴者也一種長二三寸者剖開腹內多沙雖刮剔難盡味亦差短今北人又有以驢皮及驢馬之陰莖質爲狀味雖略相同形帶微扁者是也固是惡物博識者不可不知味甘鹹平無毒主補元氣滋益五臟六腑去三焦火熱同鴨肉烹治食之主勞怯虛損諸疾同猪肉煮食治肺虛欬嗽

食物本草綱目

海參遼東海濱有之一名海男子其狀如男子勢然
淡菜之對也其性溫補足敵人參故曰海參明陳留謝肇淛

五雜組

海參味甘鹹滑性微寒無毒潤五臟補益人患泄瀉

痢下者勿食明時江吳文炳食物本艸

海參出海中長岐島夷人稱海蛆有黑白二色長二三寸大寸許周身有肉刺而黑者為佳一種無肉刺色帶白名為肥皂參次之味甘氣平補陰益精與猪肉同煮食味美清武林王子律藥性纂要

海牛

俗名思事眉スズメ骨ツボ筑前州又名思事眉スズメ胡訛ウツ後丹

海牛

海牛生東海海羸之屬頭有角如牛故名海牛海牛氣味鹹溫無毒主治益腎固精興陽角硬尖銳有紋身蒼色有龜背紋腹黃白色有筋頂花點魚尾今房街中多用雍正李中立本草原始

魚物類纂
卷二十一

魚虎

俗名法利折摩泊摩州加賀

魚物類纂
卷二十一

鱗屬 魚虎

魚虎

魚虎有毒背上刺著人如蛇咬皮如蝟有刺頭如虎也生南海亦有變為虎者本艸拾遺

按倦游錄云海中泡魚大如斗身有刺如猬能化為豪豬此即魚虎也述異記云老則變為鮫魚本艸綱目虎魚老者為蛟梁樂安任昉述異記

魚物類集
卷十一

海馬

魚物類集
卷十一

鱗屬
海馬

唐物類集卷十一

海馬

按聖濟總錄云海馬雌者黃色雄者青色又徐表南方異物志云海中有魚狀如馬頭其喙垂下或黃或黑海人捕得不以啖食暴乾燻之以備產患即此也又抱朴子云水馬合赤斑蜘蛛同馮夷水仙丸服之可居水中今水仙丸無所攷矣

本艸綱目

海馬出南海其首如馬其喙垂下身如蝦背偃僂有竹節紋長二三寸黃褐色漁人網取曝乾雌雄爲對婦人難產割裂而出者手持之易產

清武林王子律藥性纂要

海馬藏器曰出南海鰕類也宗奭曰其首如馬其身如鰕其背偃僂有竹節紋長二三寸聖濟總錄云雌者黃色雄者青色形狀如馬故名似海馬而小者名海蛆又名海蠍子亦呼小海馬

雍丘李中立本草原始

海燕

一名陽遂足 本艸綱目

俗名搖紫鐵 安藝州 又打谷埋骨落 丹後州

魚物類集
卷十一

海燕

海燕出東海大一寸狀扁面圓背上青黑腹下白脆
似海鰲蛸有紋如葦茵口在腹下食細沙口旁有五
路正勾卽其足也臨海水土記云陽遂足生海中色
青黑腹白有五足不知頭尾生時體硬死卽乾脆卽
此物也臨海異物志載燕魚長五寸陰雨則飛起丈
餘此或同名者也氣味鹹溫無毒主治陰雨發損痛
煮汁服取汗卽解亦入滋陽藥

本艸綱目

魚物類集
卷十一

鱗屬
海燕
二

庶物類纂
卷之十二

庶物類纂鱗屬卷之十二目次

烏賊魚

鎖管

猴涂

石拒

海和尚

章舉

塗蟾

庶物類纂
卷之十二

鱗屬目次

魚物類集
卷十二

烏賊魚

一名烏鰂本草一名纜魚同上一名河伯度事

小吏中華古
今註

俗名異革

魚物類集
卷十二

鱗屬
烏賊魚
一

烏賊魚

烏賊魚出東海池澤今近海州郡皆有之云是鷄鳥所化今其口脚猶有頗相似故名烏鰐能吸波喫墨以溷水所以自衛使水匿不能爲人所害又云性嗜烏每暴水上有飛鳥過謂其已死便啄其腹則卷取而食之以此得名言爲烏之賊害也形若革囊口在腹下八足聚生口傍只一骨厚三四分似小舟輕虛而白又有兩鬚如帶可以自纜故別名纜魚南越志曰烏賊有時遇風便虬前一鬚下矧而住是亦纜之

義也腹中血及膽正如墨中以畫也世謂烏賊懷墨而知禮故俗謂是海若白事小吏其肉食之益人取無時其無骨者名柔魚又更有章舉石距二物與此相類而差大味更珍好食品所貴重然不入藥用故

略圖經
本艸

烏鰂無鱗有鬚黑皮白肉大者如蒲扇燥熟以薑醋食之脆美背骨名海鰂蛸形似檣蒲子而長兩頭尖色白脆如通艸重重有紋以指甲可刮為宋人亦鑊之為鈿飾又相感志云烏則過小滿則形小也

本艸
綱目

謹按烏鰂魚多溷於噉墨中故如皮黑者然其實皮白微帶紫色

烏賊魚乾者名明魚養骨名海鰂蛸

清西湖沈李龍
食物本艸會纂

烏賊魚一名河伯度事小吏

晉崔豹中
華古今註

烏賊舊說名河伯度

從一

事小吏遇太魚輒放墨方

數尺以混其身江東人或取墨書契以脫人財物書跡如淡墨逾年字消唯空紙耳海人言昔秦皇東遊棄筭袋於海化為此魚形如筭袋兩帶極長一說烏賊有釘遇風則蚪前一鬚下釘

唐臨淄段成
式酉陽雜俎

烏鰂懷墨而知禮江東人或取其墨書契以給人財物書蹟如淡墨逾年自消唯空紙爾舊說烏鰂有石遇風則吐前一鬚下石一名鰂魚風波稍急即以其鬚粘石為鰂蓋此魚每遇大風遠岸則吐前一鬚為石近岸則粘前一鬚為鰂沈懷遠南越志此魚每遇漁舟即吐墨染水令墨以混其身漁人見水墨則知是網之大獲傳曰欲蓋而彰想存而亡此之謂也肉白皮墨無鱗有鬚鬚甚長炙穀子烏賊魚一名河伯度事小史常自浮水上烏見以為

死便往啄之乃卷取烏沉水故謂之烏賊南越記

烏鰂八足絕短者集足在口縮喙在腹形類鞋囊其

名烏鰂喻波嚙墨迷射水愚以衛害焉海物異名○聊復翁趙德

麟侯
鰂錄

烏鰂八足絕短者集足在口縮喙在腹懷板含墨每

遇大魚輒嚙墨周其波以衛身害若小鰕魚過其前

即吐墨涎惹之宋陸佃
埤雅

墨魚狀如筭囊口旁兩鬚若帶極長風波稍急以鬚

粘石為鰂其腹有墨姦人以此書券踰年則為白紙

烏賊
矣彙苑詳註

烏賊鬚纜又名鬚叮此魚口旁兩鬚若帶而長風波稍急便虬前一鬚粘石為纜不釘而住明新安范泓典籍便覽宋明帝好食蜜漬魷鯪一食數升魷鯪乃今之烏魷腸也如何以蜜漬食之太業中吳郡貢蜜蟹二千頭蜜擁劍四筥又何嗣嗜糖蟹大抵南人嗜鹹北人嗜甘魚蟹加糖蜜益便於北俗也如今之北方人喜用麻油煎物不問何物皆用油煎慶曆中羣學士會於王堂使人置得生蛤蜊一簣令饗人烹之久且不至

客訝之使人檢視則曰煎之已焦黑而尚未爛坐客莫不大笑予嘗過親家設饌有油煎法魚鱗鬣虬然無下筋處主人則捧而橫啗終不能咀嚼而罷宋吳存中夢溪筆談

世號墨魚為烏賊何為獨得賊名蓋其腹中之墨可寫偽契券宛然如新過半年則淡然如無字故狡者專以此為騙詐之謀故謚曰賊云宋弁陽周密癸辛雜識續集烏魷舊志曰烏賊八足絕短集在口縮喙在腹懷板含墨每遇大魚輒嘔墨溷水自匿小魚則吐墨以迷

之性嗜鳥每暴水面伺鳥下喙則捲而食之俗呼爲
墨魚大者曰花枝晒乾者俗名曰螟晡乾福州府志
烏鰂又名海若白事小史又名河伯從事晒乾者閩
浙謂之明府其骨曰海鰾鮑書

鎖管

一名柔魚福州府志 一名猴染興化府志 一名銀瓶魚
通雅 一名小史魚同上

俗名索思異革因幡州 又名覓慈異革筑前州 又
名紫紫異革

鎖管

鎖管其身圓直如鎖管狀首有薄骨挿入管中如鎖

鬚其味甘脆漳州府志

柔魚似烏賊而小色紫俗名鎖管福州府志

柔魚似烏魷而小曝乾食之味甘甚珍漳州府志

鎖管似烏賊而小色紫一名猴染興化府志

墨魚烏魷也又曰小者曰鎖管見泉州志今日銀瓶

魚臨海志言其懷版含黑故號小史魚清桐山方以智通雅

鳥物類集 卷二十一

猴漆

俗名皿^へ異^い革^か
州^{しゅう}備^{へい}前^{ぜん}
又名皿^へ革^か
上^{じやう}同^{どう}

鳥物類集 卷二十一

鱗屬 猴漆

猴漆

猴漆比墨斗稍大比鎖管稍小
福州府志

石拒

一名八帶魚
漳州府志

俗名打谷
加賀州
又名鉄奈角打谷
備前州

石拒

石拒似鯿魚而大居石穴中人取之則以足粘石相拒故名福州府志

石拒朝鮮人謂之八帶魚以此脩貢脚長四五尺往往緣石拒人其肉柔韌不如章舉為脆漳州府志

章魚一種似章魚而極大居石穴中人或取之能以足粘石拒人曰石拒八閩通志

石拒乃章舉之類也身小而足長入鹽乾燒食極美唐劉恂嶺表錄異記

海上鱗族異者名章巨大者名石拒居石穴人取之
能以脚粘石拒人故名形如算袋八足長二三尺足
上礧礧戢戢如釘每釘有竅浮海砂中如死物鳥啄
之即捲入水噓足釘吸之以飽其小者名章舉又別
一種生海塗中名望潮身一二寸足倍之土人呼塗
蟾又一種脚短而無釘者名鎖管寧台溫皆有之余
鄉太倉上海無有也其名章巨蓋江東子弟所名項
羽引江東卒與秦戰秦將章邯拒之卒為羽所降故
江東名是物章拒人怯而負勇名者亦號章巨

明天池馮

時可雨
航雜錄

海和尚

一名章魚
本草綱目
一名望潮魚
浙江通志

俗名打谷

海和尚

章魚生南海形如烏賊而大八足身上有肉閩粵人多採鮮者薑酢食之味如水母韓退之所謂章舉馬甲柱鬪以怪自呈者也石距亦其類身小而足長入鹽燒食極美

本州綱目

望潮魚頭圓多足亦名海和尚

浙江通志

章魚腹圓口在腹下八足聚生口旁足上皆有圓文凸起紫色一種似章魚而極大居石穴中人或取之能以足粘石拒人曰石拒又有一種曰章舉亦曰紅

舉足短者曰塗婆八閩通志

章魚本志謂之望潮同上

章魚清脆頗喻諸肴然其形酷似病痘小兒臂指所

切不堪寓目明攜李陳懋仁泉南雜志

鯧魚即浙之望潮也形雖不雅而味美於烏賊明吳郡王

敬美閩部疏

海和尚人皆驚身足差長而無甲舟行遇者率虞不

利弘治初吾廣督學太倉淮陽章彥質先生將視學

瓊州陸至徐聞方登海州此物升鷁首而蹲舉舟皆

泣謂有魚腹之憂議將讓之先生方嚴人不敢白也

詰旦抵瓊留十許日試士都畢泛海而還若履平地

後遷福建憲副考終于家語曰妖不勝德明鐵橋黃衷海語

章舉

一名章魚漳州府志 一名紅舉八閩通志 一名章花魚正字通

俗名異異打谷

章舉

章魚卽韓昌黎所謂章舉其身圓其首八脚攢聚當中
有口脚上有窩如臼歷歷成章囊中有黑膏及黃
膏或結子如柑瓢俗呼爲飯行則手足向下身向上
高舉而疾逝謂章舉者以此漳州府志

章魚又有一種曰章舉亦曰紅舉八閩通志

章舉形如烏賊閩越間多采鮮者燂如水母以薑醋

食之唐劉恂嶺表錄異記

潮州章花魚八脚身有肉如白亦曰章舉正字通

塗蟾

一名望潮
雨航
雜錄

俗名骨貌打谷

魚物類集 卷十三

塗蟾

又別一種生海塗中名望潮身一二寸足倍之土人呼塗蟾雨航雜錄

魚物類集 卷十三 鱗屬 塗蟾 二

庶物類集
卷十一

